

## **HISTORIA DE ESPAÑA.** 2002, 2007, 2012

*Os seguintes documentos deben permitirche elaborar un texto sobre a **Guerra Civil**. Na redacción debes desenvolver as seguintes cuestións: a sublevación militar que lle dá inicio; as posicións ideolóxicas que se enfrontan no conflito; a evolución política das dúas zonas; os factores que favorecen a vitoria final dos sublevados e as consecuencias desa vitoria. Lembra que non se trata de responder a preguntas illadas, senón de realizar unha composición coherente e argumentada, e que na avaliación se terán en conta os coñecementos, a utilización dos documentos e a corrección da expresión escrita.*

### **Doc. 1.-Dolores Ibarruri, Pasionaria, chama á resistencia no seu discurso do 19 de xullo de 1936:**

“Traballadores, antifascistas, pobo laborioso: todos en pé a defender a República, as liberdades populares e as conquistas democráticas do pobo (...). Todo o país vibra de emoción ante eses desalmados que queren polo fogo e o terror sumir á España democrática e popular nun inferno (...). Pero non pasarán; España enteira está en pé de loita (...). ¡Viva a Fronte Popular! ¡Viva a unión de todos os antifascistas! ¡Viva a República do pobo!”.

### **Doc. 2.-Galeazzo Ciano, ministro italiano de Asuntos Exteriores, informa así da situación en España:**

“En España xa se formaron dúas fronteas. Cunha están alemáns e italianos; con outra franceses, belgas e rusos. O Duce está de acordo con Hitler en opinar que a determinación das dúas fronteas é xa un feito consumado. Italia apoiou e segue a apoiar aos españois sen condicións (...). A nosa acción en España é unha proba efectiva da nosa participación na loita antibolxevique”.

### **Doc. 3.-Discurso de Largo Caballero, presidente do Goberno e secretario xeral da UGT, outubro de 1936:**

“Primeiro debemos gañar a guerra e despois xa poderemos falar de revolución”.

### **Doc. 4.-Boletín informativo da CNT-FAI, xaneiro de 1937:**

“Que quede ben entendido que non estamos a loitar pola República democrática. Estamos a loitar polo triunfo da revolución proletaria. A revolución e a guerra son inseparables. Todo o que se diga en sentido contrario é contrarrevolución reformista”.

### **Doc. 5.-Postura defendida en *Mundo Obrero*, órgano de expresión do PCE, marzo de 1937:**

“De que nos acusan os camaradas da CNT? Segundo eles, afastámonos do camiño do marxismo revolucionario. Por que? Porque defendemos a República democrática (...). Unha República democrática e parlamentaria dun contido social como non existiu endexamais”.

**Doc. 6.-O 20 de abril de 1937, Francisco Franco, Xefe do Estado e Xeneralísimo das forzas nacionais, asina o Decreto de Unificación:**

“Art. 1. *Falange Española* e Requetés, cos seus actuais servizos e elementos, intégranse, baixo a Miña Xefatura, nunha soa entidade política de carácter nacional que, de momento, se denominará *Falange Tradicionalista y de las JONS*.  
Esta organización, intermedia entre a Sociedade e o Estado, ten a misión principal de comunicar ao Estado o alento do pobo e de levar a este o pensamento de aquel a través das virtudes político-morais, de servizo, xerarquía e irmandade (...).  
Quedan disoltas as demais organizacións e partidos políticos”.

**Doc. 7.-Último parte de guerra:**

“No día de hoxe, cativo e desarmado o exército roxo, acadaron as tropas nacionais os seus últimos obxectivos militares. A guerra rematou.  
Francisco Franco. Burgos, 1-IV-1939. Ano da Vitoria”.

|                     |  |
|---------------------|--|
| <b>ORIENTACIÓNS</b> | <ul style="list-style-type: none"> <li>-Inicio da guerra: sublevación militar de xullo de 1936</li> <li>-Características da guerra</li> <li>-Bandos enfrontados:             <ul style="list-style-type: none"> <li>• Bando republicano, apoiado polas forzas políticas e sociais que formaron a Fronte Popular, o <i>antifascista</i>.</li> <li>• Bando sublevado, autodenominado nacional, apoiado polas forzas políticas e sociais de dereitas, o <i>anticomunista</i>.</li> </ul> </li> <li>-Participación estranxeira:             <ul style="list-style-type: none"> <li>• Formación do Comité de Non Intervención</li> <li>• Apoios de ambos bandos</li> </ul> </li> <li>-Evolución política de ambos bandos:             <ul style="list-style-type: none"> <li>• Bando republicano: fragmentación do poder. División e disensión entre as forzas republicanas. Guerra e revolución</li> <li>• Bando nacional: unidade de mando, concentración do poder en Franco, partido único e contrarrevolución.</li> </ul> </li> <li>-Fin da guerra coa vitoria dos sublevados e perpetuación de Franco no poder: ditadura franquista</li> </ul> |
|---------------------|--|

| <b>DOCUMENTOS</b>                | <b>CUESTIÓN A DESENVOLVER</b>   |
|----------------------------------|---|
| <b>1. Discurso de Pasionaria</b> | <p>*Chamada á resistencia ás forzas sociais e políticas para defender ao goberno republicano fronte os sublevados. Lanza o lema “Non pasarán”</p> <ul style="list-style-type: none"> <li>• <b>Formación dos bandos: republicano</b> (antifascista) &lt;-&gt; <b>nacional</b> (anticomunista)</li> </ul> |

|   |  |   |
|---|--|---|
| <b>2.Informe do ministro italiano</b>                 | * A guerra española e os apoios de ambos bandos <ul style="list-style-type: none"> <li>• <b>Participación estranxeira</b>, apoio a ambos bandos e formación do <b>Comité de Non Intervención</b></li> </ul>  |   |
| <b>3.Boletín da CNT-FAI</b>                           | * Defensa da revolución proletaria ao mesmo tempo que a guerra <ul style="list-style-type: none"> <li>• Facer a <b>guerra e a revolución</b> ao mesmo tempo (anarquistas e POUM)</li> </ul>  | -Fragmentación do poder no <b>bando republicano</b>                               |
| <b>4.Posición do PCE</b>                              | * Defensa dunha República democrática e o aprazamento da revolución  | -Os <b>governos republicanos</b> e a revolución social.                           |
| <b>5.Discurso de Largo Caballero</b>                  | * Defensa dunha República democrática e o aprazamento da revolución <ul style="list-style-type: none"> <li>• <b>Unificar os esforzos para gañar a guerra</b> e aprazar a revolución (comunistas e socialistas)</li> </ul>  | -O debate entre as forzas políticas que apoiaron ao <b>gobierno republicano</b> : |
| <b>6.Decreto de Franco de unificación de partidos</b> | * A unificación de Falanxe española e das XONS, cos requetés (carlistas) e todos os partidos que apoiaron o alzamento, baixo a autoridade de Franco <ul style="list-style-type: none"> <li>• Concentración do poder no <b>bando sublevado</b> (miliar, político, institucional...) en mans de Franco</li> <li>• Establecemento dun partido único (Movemento Nacional)</li> <li>• A institucionalización dun novo réxime (contrarrevolución)</li> </ul> |   |
| <b>7.Derradeiro parte de guerra</b>                   | * Fin da guerra civil coa vitoria do bando sublevado tras a rendición de Madrid <ul style="list-style-type: none"> <li>• <b>Vitoria de Franco</b></li> <li>• A derrota do bando republicano, o exilio, a represión dos vencidos....</li> <li>• Inicio da ditadura franquista</li> <li>•</li> </ul>   |   |
| <b>CONCLUSIÓNS</b>                                    | A Guerra Civil española desenvolveuse ao longo de tres anos enfrontando a dous bandos que representaban posicións ideolóxicas que se manifestaron tamén á hora de organizar a loita e as súas estratexias. Fronte a un bando republicano con fondas divisións internas, o dos militares sublevados ía construíndo un réxime de partido único, militar e caudillista, que sentaría as bases   |   |

|  |   |
|--|---|
|  | para a instauración da ditadura franquista. |
|--|---|

## CRITERIOS DE AVALIACIÓN/CORRECCIÓN

Como tema a desenvolver, a Guerra Civil dende o seu inicio en 1936 ata a vitoria franquista en 1939, tratando na redacción as cuestións mencionadas nas orientacións:

- -O seu inicio, contextualizándoo como resultado dunha sublevación militar contra o goberno da Fronte Popular.
- -O conflito bélico en termos ideolóxicos, como loita antifascista ou anticomunista, segundo a percepción de cada bando. É pertinente aludir ás principais diferenzas políticas entre os contendentes en ámbitos significativos (relixioso, educativo, socioeconómico...) que xa marcaran a traxectoria da Segunda República.
- -A diferente evolución política das zonas republicana e “nacional”, insistindo nas disensións que marcaron a vida da España republicana (revolución/guerra) e o crecente protagonismo na mesma do PCE, así como no proceso de construción na segunda dun réxime de partido único, militar e caudillista, que sentaría as bases para a instauración da ditadura franquista.
- -Os factores que favoreceron a vitoria final dos sublevados, entre eles a disimetría entre apoios estranxeiros cos que cada bando contou.
- -A instauración dunha longa ditadura como consecuencia final da derrota da lexitimidade republicana.
- -As referencias á evolución estritamente bélica do conflito son pertinentes sempre que non se convertan en principal fío argumental da redacción.